



**Broj: 02-50-1-16-11/07**

**Sarajevo: 31.1.2008. godine**

**ZAPISNIK  
11. sjednice Doma naroda  
Parlamentarne skupštine Bosne i Hercegovine,  
održane 31. 1. 2008.godine**

Sjednica je počela u 11 sati.

Sjednicom je predsjedavao Mladen Ivanić, prvi zamjenik predsjedavajućeg Doma naroda Parlamentarne skupštine BiH.

Sjednici je prisustvovalo 13 delegata.

Delegati Branko Zrno i Sulejman Tihic opravdali su izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Dom naroda jednoglasno je usvojio sljedeći

**D N E V N I R E D**

1. Odgovori na delegatska pitanja i delegatska pitanja;
2. Usvajanje zapisnika 1. vanredne i 10. sjednice Doma naroda;
3. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o krivičnom postupku, po hitnom postupku, u skladu s članom 122. Poslovnika Doma naroda (Zakon visokog predstavnika);
4. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o Visokom sudskom i tužilačkom Vijeću BiH, po hitnom postupku, u skladu s članom 122. Poslovnika Doma naroda (Zakon visokog predstavnika);
5. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o putnim ispravama po hitnom postupku, u skladu s članom 122. Poslovnika Doma naroda (Zakon visokog predstavnika);
6. Izvještaj komisije Kolegija Doma naroda o nastojanju za postizanje saglasnosti o Prijedlogu zakona o izmjenama i dopunama Zakona o javnim nabavkama BiH;
7. Prijedlog zakona o internoj reviziji u institucijama BiH, drugo čitanje – predlagač: Vijeće ministara BiH;
8. Prijedlog zakona o izmjenama i dopunama Zakona o policijskim službenicima, drugo čitanje, predlagač: Vijeće ministara BiH;
9. Prijedlog zakona o sportu u Bosni i Hercegovini, drugo čitanje, predlagač: Vijeće ministara BiH;
10. Prijedlog zakona o izmjenama i dopunama Zakona o porezu na dodatu vrijednost, prvo čitanje, predlagač: delegat Mladen Ivanić;
11. Prijedlog zakona o osnivanju Zavoda za izvršenje krivičnih sankcija, pritvora i drugih mjera, prvo čitanje, predlagač: Vijeće ministara BiH;

12. Prijedlog zakona o poljoprivredi, ishrani i ruralnom razvoju, prvo čitanje, predlagač: Vijeće ministara BiH;
13. Prijedlog zakona o izmjenama i dopunama Zakona o carinskoj politici BiH, prvo čitanje, predlagač: Predstavnički dom;
14. Prijedlog zakona o izmjenama i dopunama Zakona o putnim ispravama BiH, prvo čitanje, predlagač: Vijeće ministara BiH;
15. Prijedlog zakona o izmjenama i dopunama Zakon o upotrebi i zaštiti naziva Bosne i Hercegovine, prvo čitanje, predlagač: Vijeće ministara BiH;
16. Prijedlog zakona o izmjeni Zakona o odlikovanjima BiH, prvo čitanje, predlagač: Vijeće ministara BiH;
17. Prijedlog zakona o denacionalizaciji, prvo čitanje, predlagač: Vijeće ministara BiH;
18. Prijedlog zakona o izmjenama i dopunama Izbornog zakona BiH, prvo čitanje, predlagači: delegati Ilija Filipović, Mladen Ivanić i Alma Čolo;
19. Prijedlog zakona o izmjeni Zakona o Vijeću ministara BiH, prvo čitanje, predlagač: Predstavnički dom;
20. Prijedlog zakona o izmjenama i dopunama Zakona o učešću pripadnika Oružanih snaga BiH, policijskih službenika, državnih službenika i ostalih zaposlenika u operacijama podrške miru i drugim aktivnostima u inozemstvu, prvo čitanje, predlagač: Vijeće ministara BiH;
21. Prijedlog kodeksa ponašanja delegata i poslanika, prvo čitanje, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku;
22. Izvještaj Ureda za reviziju institucija BiH o izvršenoj reviziji u 2006. godini sljedećih institucija:
  - a. Agencije za promociju stranih investicija u Bosni i Hercegovini,
  - b. Agencije za statistiku BiH,
  - c. Centralne izborne komisije BiH,
  - d. Instituta za standarde, mjeriteljstvo i intelektualno vlasništvo BiH,
  - e. Komisije za koncesije BiH,
  - f. Komisije za zaštitu nacionalnih spomenika BiH,
  - g. Ministarstva vanjskih poslova BiH,
  - h. Ministarstva za ljudska prava i izbjeglice BiH,
  - i. Ministarstva sigurnosti BiH,
  - j. Predsjedništva BiH,
  - k. Regulatorne agencije za komunikacije BiH,
  - l. Službe za zajedničke poslove institucija BiH,
  - m. Državne granične službe BiH,
  - n. Državne agencije za istrage i zaštitu BiH,
  - o. Generalnog sekretarijata Vijeća ministara BiH, kabineta i službi,
  - p. Ministarstva vanjske trgovine i ekonomskih odnosa BiH,
  - q. Ministarstva civilnih poslova BiH,
  - r. Ministarstva pravde BiH,
  - s. Ministarstva komunikacija i prometa BiH,
  - t. Službe za poslove sa strancima,
  - u. Ustavnog suda BiH,
  - v. Uprave za indirektno oporezivanje BiH,
  - w. Uprave BiH za zaštitu zdravlja bilja,
  - x. Ureda za razmatranje žalbi,
  - y. Ureda za veterinarstvo BiH;
23. Izvještaj Ureda za reviziju institucija Bosne i Hercegovine o izvršenoj reviziji BHRT-a za 2005. i 2006. godinu;
24. Izvještaj o reviziji Izvještaja o izvršenju Budžeta institucija Bosne i Hercegovine za 2006. godinu;

25. Godišnji izvještaj za 2006. godinu Institucije ombudsmena za ljudska prava BiH;
26. Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period od 1.3.2007. do 31.8.2007.;
27. Imenovanje člana Upravnog odbora Javnog RTV servisa BiH iz bošnjačkog naroda;
28. Informacija o neovlaštenoj proizvodnji i stavljanju u promet opojnih droga u Bosni i Hercegovini u periodu 2005.-2006. godina, s tendencijama i za prvih šest mjeseci 2007. godine;
29. Informacija o izdatim dozvolama za promet oružja, vojne opreme i proizvoda dvojne namjene u 2006. godini;
30. Prijedlog odluke o imenovanju članova ineterparlamentarnih grupa prijateljstva;
31. Prijedlog rezolucije o borbi protiv nasilja nad ženama u porodici – predlagač: delagat Dušanka Majkić;
32. Prijedlog odluke o imenovanju članova Vijeća nacionalnih manjina BiH – predlagač: Zajednička komisija za ljudska prava, prava djeteta, imigraciju, izbjeglice, azil i etiku;
33. Prijedlog zaključka o osnivanju Privremene zajedničke komisije za utvrđivanje devizne štednje građana BiH položene na račune domicilnih banaka i podružnica u Bosni i Hercegovini – predlagač: kolegij oba doma PSBiH;
34. Prijedlog zaključka o osnivanju Ad hoc komisije za imenovanje tri ombdusmena u Instituciju ombdusmena za ljudska prava BiH – predlagač: Predstavnički dom;
35. Davanje saglasnosti za ratifikaciju Sporazuma o ekonomskoj, trgovinskoj i tehničkoj saradnji između Bosne i Hercegovine i Vlade Države Katar;
36. Davanje saglasnosti za ratifikaciju Sporazuma između Vijeća ministara BiH i Vlade Rumunije o saradnji u borbi protiv terorizma i organiziranog krimanala;
37. Davanje saglasnosti za ratifikaciju Sporazuma o saradnji u oblasti obrazovanja, kulture i sporta između Vijeća ministara BiH i Vlade Republike Italije;
38. Davanje saglasnosti za ratifikaciju Evropske konvencije o državljanstvu;
39. Davanje saglasnosti za ratifikaciju Sporazuma između Vlade Bosne i Hercegovine i Vlade Savezne Republike Njemačke o finansijskoj saradnji u 1995. godini;
40. Davanje saglasnosti za ratifikaciju Sporazuma o razvojnoj saradnji između Vijeća ministara BiH i Vlade Kraljevine Švedske;
41. Davanje saglasnosti za ratifikaciju Sporazuma o uspostavljanju Mješovitog odbora za saradnju između Vijeća ministara BiH i Vlade Republike Mađarske;
42. Davanje saglasnosti za ratifikaciju Sporazuma između Vijeća ministara BiH i Vlade Republike Bugarske o policijskoj saradnji;
43. Davanje saglasnosti za ratifikaciju Sporazuma o zračnom saobraćaju između Vijeća ministara BiH i Vlade Države Katar;
44. Davanje saglasnosti za ratifikaciju Sporazuma o finansiranju između Bosne i Hercegovine i Međunarodne asocijacije za razvoj (IDA) – Projekat poljoprivrede i ruralnog razvoja;
45. Davanje saglasnosti za ratifikaciju Sporazuma o finansiranju između Bosne i Hercegovine i Međunarodne asocijacije za razvoj (IDA) – Projekat pripremljenosti za avijarnu influencu;
46. Davanje saglasnosti za ratifikaciju Sporazuma o finansiranju između Bosne i Hercegovine i Međunarodne asocijacije za razvoj (IDA) – Dodatno finansiranje za Projekat urbane infrastrukture i pružanje usluga;
47. Davanje saglasnosti za ratifikaciju Sporazuma između Vijeća ministara BiH i Vlade Ruske Federacije o uslovima uzajamnih putovanja državljana Bosne i Hercegovine i državljana Ruske Ferderacije;
48. Davanje saglasnosti za ratifikaciju Sporazuma o reviziji sukcesije bilateralnih sporazuma između Bosne i Hercegovine i Republike Poljske;
49. Davanje saglasnosti za ratifikaciju Sporazuma o reviziji sukcesije bilateralnih sporazuma između Bosne i Hercegovine i Slovačke Republike;
50. Davanje saglasnosti za ratifikaciju Sporazuma o reviziji sukcesije bilateralnih sporazuma između Bosne i Hercegovine i Češke Republike;

51. Davanje saglasnosti za ratifikaciju Sporazuma između Vijeća ministara BiH i Vlade Republike Crne Gore o saradnji u zaštiti od prirodnih i civilizacijskih katastrofa;
52. Davanje saglasnosti za ratifikaciju Sporazuma između Vijeća ministara BiH i Vlade Republike Crne Gore o saradnji u borbi protiv terorizma, organiziranog kriminala, ilegalne trgovine narkoticima, psihotropnim supstancama i prekursorima, ilegalne migracije i ostalih krivičnih djela;
53. Davanje saglasnosti za ratifikaciju Sporazuma između Bosne i Hercegovine i Međunarodne asocijacije za razvoj o izmjenama Sporazuma o razvojnom kreditu – Projekat razvoja i zaštite šuma;
54. Davanje saglasnosti za ratifikaciju Sporazuma između Vijeća ministara BiH i Vlade Islamske Republike Pakistan o osnivanju Bosanskohercegovačko–pakistanske ekonomske komisije;
55. Davanje saglasnosti za ratifikaciju Ugovora o zajmu između Bosne i Hercegovine i Evropske banke za obnovu i razvoj – Kanalizacioni sistem Bijeljine;
56. Davanje saglasnosti za ratifikaciju Ugovora o zajmu između Bosne i Hercegovine i Evropske banke za obnovu i razvoj – Projekat rekonstrukcije puteva;
57. Davanje saglasnosti za ratifikaciju Evropske konvencije o prekograničnoj saradnji između teritorijalnih zajednica ili vlasti s protokolima.

#### **Ad.1. Odgovori na delegatska pitanja i delegatska pitanja**

Odgovore na delegatska pitanja dobili su: Slobodan Šaraba, dva odgovora, Ilija Filipović, Hazim Rančić i Zoran Koprivica.

Delegat Zoran Koprivica izjasnio se da je zadovoljan odgovorom dok se delegat Hazim Rančić izjasnio da je djelimično zadovoljan odgovorom.

Ostali delegati izjasnili su se da nisu zadovoljni odgovorima.

**Delegat Rudo Vidović** postavio je sljedeće pitanje Vijeću ministara BiH i Zajedničkoj službi Parlamentarne skupštine BiH:

„Poznato je da je 2004. godine Vijeće ministara BiH usvojilo Strategiju razvoja informacionog društva BiH, te da Ministarstvo komunikacija i prometa BiH uvodi projekt e-government (elektronska vlada), prema kojem bi ministri mogli učestvovati u radu sjednica iz svojih domova ili s bilo koje druge lokacije. Također je poznato da se na tom projektu počelo intenzivno raditi i da će biti u funkciji za tri mjeseca.

Isto tako poznate su sve prednosti e-governmenta koje se, pored samog „uklanjanja“ papira, ogledaju kroz dostupnost svim važnim i potrebnim podacima i dokumentima koje ministri mogu koristiti na sjednicama, što do sada nije bio slučaj. Veoma značajna prednost sistema e-governmenta je i činjenica da će ministri moći prisustvovati sjednicama Vijeća ministara BiH gdje god da se nalaze.

Dakle, ministar može biti u Americi, Mostaru, Tuzli ili pak kod kuće, a jednostavnom konekcijom na Internet i ulaskom u sistem moći će ravnopravno učestvovati u radu Vijeća, iznositi prijedloge te usvajati ili ne usvajati odluke. Uz to, bit će im dostupni podaci s drugih nivoa vlasti te omogućeno lakše dobivanje podataka iz drugih zemalja i slično, što je ponekad potrebno u raspravama na sjednicama. Sve je to dio šireg projekta informacionog društva u BiH.

S obzirom da je Vijeće ministara BiH uglavnom predlagač zakonskih rješenja prema Parlamentarnoj skupštini BiH, koja su sigurno već u elektronskoj formi, pitanje za Vijeće ministara BiH kao i za Zajedničku službu Parlamentarne skupštine BiH glasi: Da li Vijeće ministara BiH projektom elektronske vlade (e-government) predviđa elektronsku komunikaciju prema Parlamentarnoj skupštini BiH, te kada će delegati koji za to iskažu zahtjev i spremnost moći u

elektronskoj formi umjesto „gomile papira“ dobivati materijale koji su prošli proceduru kroz Vijeće ministara BiH“?

**Delegat Dušanka Majkić** ponovila je pitanje Vijeću ministara BiH, postavljeno na 6. sjednici, održanoj 29.6.2007.:

„Izvještajima o reviziji insitucija BiH koje je izradio Ured za reviziju utvrđeno je da kod jednog broja budžetskih korisnika nije riješeno pitanje imenovanja rukovodstva, bilo da su mandati istekli, bilo da nije dosljedno poštovana procedura prilikom imenovanja.

Molim Vijeće ministara BiH da mi odgovori kada će uspostaviti jedinstvenu evidenciju svih mandata koja bi, uz ostalo, sadržavala vrijeme imenovanja i isteka mandata zvaničnika u institucijama BiH?

To bi omogućilo da se ne samo na vrijeme pokrene procedura novih imenovanja, nego i izbjegne praksa tehničkih mandata, v.d. i drugih privremenih rješenja koja ne doprinose efikasnijem radu institucija BiH“.

U skladu s članom 147. stav 3. Poslovnika Doma naroda, molimo Vas da odgovor u pisanoj formi dostavite u roku od 30 dana.

Novo pitanje upućeno je Kolegiju Doma naroda Parlamentarne skupštine BiH:

1. „Na čiju inicijativu je došlo do dupliranja materijala za 11. sjednicu Doma naroda“?
2. „Koji su argumenti navedeni u prilog ovoj inicijativi“?

**Delegat Adem Ibrahimpašić** ponovio je pitanje Vijeću ministara BiH, postavljeno na 10. sjednici, održanoj 4.12.2007.:

-„Zašto je za ovu zemlju, odnosno njenu privredu, dobro da ima Zakon o akcizama po kojem se:

- domaćim pržionicama kafe naplaćuje akciza dva puta i to prilikom uvoza na sirovu kafu i nakon prženja na prženu kafu, za razliku od uvoznika pržene kafe koji plaćaju akcize samo na prženu kafu prilikom uvoza,
- akciza na uvezeni etanol naplaćuje kao da se radi o uvozu žestokih alkoholnih pića i onda kada ga domaće firme uvoze kao repromaterijal,
- akciza prilikom uvoza duhanskih prerađevina u našu zemlju obračunava u istoj visini kojom se obračunava i na domaće duhanske prerađevine, dok se po hrvatskom zakonu o akcizama na naše cigarete koje se izvoze u Hrvatsku akciza obračunava i do pet puta većem iznosu nego na hrvatske cigarete u Hrvatskoj“.

**Delegat Ivo Miro Jović** postavio je sljedeće pitanje Ministarstvu finansija i trezora BiH, Ministarstvu za ljudska prava i izbjeglice BiH i Upravi za indirektno oporezivanje BiH:

„Svake godine Vlada Republike Hrvatske dodjeljuje novčana sredstva za podršku univerzitetima, školama, predškolskim ustanovama i institucijama sporta i kulture u BiH. Za 2007. godinu dodijeljena su, za ove namjene, sredstva u iznosu 100,000.000, kn, što je oko 26,000.000-

KM, od ovog iznosa za uplate PDV-a uzeta su sredstva u iznosu od 17,000.000. kn, što je oko 4,500.000,-KM, što su ogromna sredstva uplaćena od darovalaca. Smatram to presedanom u odnosu na sva druga darivanja građanima i institucijama koja dolaze iz inozemstva. Šta mogu resorna ministarstva i Uprava za indirektno oporezivanje učiniti na povratu tako važnih sredstava onima kojima su i namijenjena“?

**Delegat Zoran Koprivica** postavio je sljedeće pitanje Kolegiju Doma naroda Parlamentarne skupštine BiH:

1. “Za narednu sjednicu da se pripremi Orijentacioni radni plan Doma naroda za 2008. godinu“.
2. „Da se ubuduće prilikom slanja poziva za sjednice Doma naroda obavezno unose u svakoj tački dnevnog reda broj prijemnog pečata i datum prijema na protokolu, kako bi se izbjegli nesporazumi, jer se dešava da se jedan isti akt dostavlja u više varijanti, te nekada nije jasno o kojem dokumentu se radi“.

**Delegat Hazim Rančić** je, s obzirom da je samo djelimično zadovoljan dostavljenim odgovorom na postavljeno delegatsko pitanje na 10. sjednici Doma naroda, održanoj 4.12.2007., postavio sljedeće pitanje Vijeću ministara BiH:

Da li su i kakve mjere preduzete s ciljem zaprečavanja preostala 92 ilegalna mjesta prelaska na granici Bosne i Hercegovine prema Republici Hrvatskoj, te da li Ministarstvo sigurnosti BiH raspolaže podacima koliko je takvih mjesta na granici Bosne i Hercegovine prema Republici Crnoj Gori i Republici Srbiji?

**Delegat Slobodan Šaraba** postavio je sljedeće pitanje Predsjedništvu BiH:

„Šta se stvarno dešava sa Osnovnim ugovorom koji treba ratificirati s obzirom da je Njegova svetost patrijarh srpski gospodin Pavle navedeni ugovor potpisao polovinom oktobra 2007. godine“.

Dom naroda jednoglasno je usvojio zaključak kojim se od Kolegija Doma naroda traži da obaveže Vijeće ministara BiH da dostavlja odgovore na postavljena delegatska pitanja u pisanoj formi u roku od 30 dana, u skladu s članom 147. stav 3. Poslovnika Doma naroda.

## **Ad.2. Usvajanje zapisnika 1. vanredne i 10. sjednice Doma naroda**

Prikom usvajanja Zapisnika 1. vanredne sjednice Doma naroda, Slobodan Šaraba tražio je ispravku u dijelu gdje piše da je opravdao svoj izostanak. Svoje odsusutvo delegat je objasnio zakašnjelim dobivanjem poziva za sjednicu što je rezultiralo nemogućnošću njegovog dolaska.

Dom naroda jednoglasno je usvojio zapisnike 1. vanredne i 10. sjednice Doma naroda uz predloženu ispravku.

## **Ad. 3. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o krivičnom postupku po hitnom postupku, u skladu s članom 122. Poslovnika Doma naroda (Zakon visokog predstavnika)**

U raspravi o ovoj tački dnevnog reda učestvovali su: Slobodan Šaraba, Dušanka Majkić i Božo Rajić.

Dom naroda je, sa 12 glasova "za" i jednim glasom "protiv", usvojio po hitnom postupku Zakon o usvajanju Zakona o izmjenama i dopunama Zakona o krivičnom postupku.

**Ad. 4. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o Visokom sudskom i tužilačkom Vijeću BiH, po hitnom postupku, u skladu s članom 122. Poslovnika Doma naroda (Zakon visokog predstavnika)**

Rasprava o ovoj tački dnevnog reda nije vođena.

Dom naroda je, sa 12 glasova "za" i jednim glasom "protiv", usvojio po hitnom postupku Zakon o usvajanju Zakona o izmjenama i dopunama Zakona o Visokom sudskom i tužilačkom Vijeću BiH.

**Ad. 5. Zahtjev Vijeća ministara BiH za razmatranje Prijedloga zakona o usvajanju Zakona o izmjenama i dopunama Zakona o putnim ispravama po hitnom postupku, u skladu s članom 122. Poslovnika Doma naroda (Zakon visokog predstavnika)**

Rasprava o ovoj tački dnevnog reda nije vođena.

Dom naroda je, sa 12 glasova "za" i jednim glasom "protiv", usvojio po hitnom postupku Zakon o usvajanju Zakona o izmjenama i dopunama Zakona o putnim ispravama.

**Ad. 6. Izvještaj Komisije Kolegija Doma naroda o nastojanju za postizanje saglasnosti o Prijedlogu zakona o izmjenama i dopunama Zakona o javnim nabavkama BiH**

U raspravi o ovoj tački dnevnog reda učestvovali su: Dušanka Majkić, Ilija Filipović, Božo Rajić, Alma Čolo i Hazim Rančić.

Nakon što Kolegij nije postigao saglasnost o Prijedlogu zakona o izmjenama i dopunama Zakona o javnim nabavkama BiH, izvršen je drugi krug glasanja, kada je "protiv" Prijedloga zakona glasalo više od dvije trećine delegata iz jednog entiteta, pa je samim tim Prijedlog zakona o izmjenama i dopunama Zakona o javnim nabavkama BiH odbijen.

**Ad. 7. Prijedlog zakona o internoj reviziji u institucijama BiH, drugo čitanje, predlagač: Vijeće ministara BiH**

U raspravi o ovoj tački dnevnog reda učestvovala je delegat Dušanka Majkić.

Dom naroda jednoglasno je usvojio u drugom čitanju Zakon o internoj reviziji u institucijama BiH.

Budući da je Zakon usvojen u različitom tekstu u odnosu na Predstavnički dom, za članove Zajedničke komisije za postizanje sporazuma o identičnom tekstu Zakona Dom naroda imenovao je sljedeće delegate:

Dušanku Majkić  
Adema Ibrahimpašića i  
Božu Rajića.

**Ad. 8. Prijedlog zakona o izmjenama i dopunama Zakona o policijskim službenicima, drugo čitanje, predlagač: Vijeće ministara BiH**

Rasprava o ovoj tački dnevnog reda nije vođena.

Dom naroda jednoglasno je usvojio u drugom čitanju Zakon o izmjenama i dopunama Zakona o policijskim službenicima u identičnom tekstu kao i Predstavnički dom.

**Ad. 9. Prijedlog zakona o sportu u Bosni i Hercegovini, drugo čitanje, predlagač: Vijeće ministara BiH**

U raspravi o ovoj tački dnevnog reda učestvovali su: Ivo Miro Jović, Dušanka Majkić, Hazim Rančić, Božo Rajić, Hilmo Neimarlija, Slobodan Šaraba i predstavnik predlagača Sredoje Nović.

Dom naroda, u drugom čitanju, sa 13 glasova „protiv“ nije prihvatio Izvještaj nadležne komisije koja nije prihvatila tekst Prijedloga zakona.

Zaključeno je da se od Komisije traži izrada novog izvještaja, i to u roku od 10 dana.

**Ad. 10. Prijedlog zakona o izmjenama i dopunama Zakona o porezu na dodatu vrijednost, prvo čitanje, predlagač: delegat Mladen Ivanić**

U raspravi o ovoj tački dnevnog reda učestvovali su: Dušanka Majkić, Mladen Ivanić i Slobodan Šaraba.

Dom naroda je u prvom čitanju, većinom glasova „za“, prihvatio Izvještaj nadležne komisije koja nije prihvatila principe Prijedloga zakona, pa je samim tim Prijedlog zakona odbijen.

**Ad. 11. Prijedlog zakona o osnivanju Zavoda za izvršenje krivičnih sankcija, pritvora i drugih mjera, prvo čitanje, predlagač: Vijeće ministara BiH**

U raspravi o ovoj tački dnevnog reda učestvovala je delegat Dušanka Majkić.

Dom naroda je, sa 11 glasova "za" i jednim glasom "protiv", u prvom čitanju usvojio Prijedlog zakona o osnivanju Zavoda za izvršenje krivičnih sankcija, pritvora i drugih mjera.

**Ad. 12. Prijedlog zakona o poljoprivredi, ishrani i ruralnom razvoju, prvo čitanje, predlagač: Vijeće ministara BiH**

U raspravi o ovoj tački dnevnog reda učestvovali su: Slobodan Šaraba, Dušanka Majkić, Adem Ibrahimpašić i Zoraan Koprivica.

Dom naroda je, sa 11 glasova "za" i jednim glasom "protiv", u prvom čitanju usvojio Prijedlog zakona o poljoprivredi, ishrani i ruralnom razvoju.

**Ad. 13. Prijedlog zakona o izmjenama i dopunama Zakona o carinskoj politici BiH, prvo čitanje, predlagač: Predstavnički dom**

U raspravi o ovoj tački dnevnog reda učestvovali su: Alma Čolo, Dušanka Majkić, Adem Ibrahimpašić, Rudo Vidović, Ilija Filipović i Hilmo Neimarlija.

Dom naroda, u prvom čitanju, većinom glasova „protiv“, nije prihvatio Mišljenje nadležne komisije koja nije prihvatila principe Prijedloga zakona.

Zaključeno je da se od Komisije traži izrada novog mišljenja.

**Ad. 14. Prijedlog zakona o izmjenama i dopunama Zakona o putnim ispravama BiH, prvo čitanje, predlagač: Vijeće ministara BiH**

U raspravi o ovoj tački dnevnog reda učestvovali su Alma Čolo i Dušanka Majkić.

Dom naroda jednoglasno je, u prvom čitanju, usvojio Prijedlog zakona o izmjenama i dopunama Zakona o putnim ispravama BiH.



**Ad. 15. Prijedlog zakona o izmjenama i dopunama Zakon o upotrebi i zaštiti naziva Bosne i Hercegovine, prvo čitanje, predlagač: Vijeće ministara BiH**

U raspravi o ovoj tački dnevnog reda učestvovala je delegat Dušanka Majkić.

Dom naroda jednoglasno je, u prvom čitanju, usvojio Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine.

**Ad. 16. Prijedlog zakona o izmjeni Zakon o odlikovanjima Bosne i Hercegovine, prvo čitanje, predlagač: Vijeće ministara BiH**

Rasprava o ovoj tački dnevnog reda nije vođena.

Dom naroda jednoglasno je, u prvom čitanju, usvojio Prijedlog zakona o izmjeni Zakona o odlikovanjima Bosne i Hercegovine.

**Ad. 17. Prijedlog zakona o denacionalizaciji, prvo čitanje, predlagač: Vijeće ministara BiH**

U raspravi o ovoj tački dnevnog reda učestvovali su: Slobodan Šaraba, Božo Rajić, Dušanka Majkić, Ilija Filipović, Alma Čolo, Adem Ibrahimpašić, Rudo Vidović, predstavnik predlagača Mustafa Begić, Hilmo Neimarlija i Hazim Rančić.

Dom naroda odgodio je izjašnjavanje o Prijedlogu zakona o denacionalizaciji u prvom čitanju prije početka naredne sjednice Doma naroda.

**Ad. 18. Prijedlog zakona o izmjenama i dopunama Izbornog zakona BiH, prvo čitanje, predlagači: delegati Ilija Filipović, Mladen Ivanić i Alma Čolo**

U raspravi o ovoj tački dnevnog reda učestvovao je delegat Mladen Ivanić kao jedan od predlagača i predložio usvajanje zakona i predloženih inicijativa.

Dom naroda jednoglasno je, u prvom čitanju, usvojio Prijedlog zakona o izmjenama i dopunama Izbornog zakona BiH zajedno s predloženim inicijativama.

**Ad. 19. Prijedlog zakona o izmjeni zakona o Vijeću ministara BiH, prvo čitanje, predlagač: Predstavnički dom**

Rasprava o ovoj tački dnevnog reda nije vođena.

Dom naroda jednoglasno je u prvom čitanju usvojio Prijedlog zakona o izmjeni Zakona o Vijeću ministara BiH.

**Ad. 20. Prijedlog zakona o izmjenama i dopunama Zakona o učešću pripadnika Oružanih snaga BiH, policijskih službenika, državnih službenika i ostalih zaposlenika u operacijama podrške miru i drugim aktivnostima u inozemstvu, prvo čitanje, predlagač: Vijeće ministara BiH**

U raspravi o ovoj tački dnevnog reda učestvovali su: Slobodan Šaraba i predstavnica predlagača Marina Pendeš.

Dom naroda jednoglasno je u prvom čitanju usvojio Prijedlog zakona o izmjenama i dopunama Zakona o učešću pripadnika Oružanih snaga BiH, policijskih službenika, državnih službenika i ostalih zaposlenika u operacijama podrške miru i drugim aktivnostima u inozemstvu.

**Ad. 21. Prijedlog kodeksa ponašanja delegata i poslanika, prvo čitanje, predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku**

U raspravi o ovoj tački dnevnog reda učestvovali su: Dušanka Majkić, Alma Čolo, Zoran Koprivica, Božo Rajić i Ivo Miro Jović.

Dom naroda jednoglasno je u prvom čitanju usvojio Prijedlog kodeksa ponašanja delegata i poslanika.

**Ad. 22. Izvještaj Ureda za reviziju institucija BiH o izvršenoj reviziji u 2006. godini sljedećih institucija: Agencije za promociju stranih investicija u Bosni i Hercegovini, Agencije za statistiku BiH, Centralne izborne komisije BiH, Instituta za standarde, mjeriteljstvo i intelektualno vlasništvo BiH, Komisije za koncesije BiH, Komisije za zaštitu nacionalnih spomenika BiH, Ministarstva vanjskih poslova BiH, Ministarstva za ljudska prava i izbjeglice BiH, Ministarstva sigurnosti BiH, Predsjedništva BiH, Regulatorne agencije za komunikacije BiH, Službe za zajedničke poslove institucija BiH, Državne granične službe BiH, Državne agencije za istrage i zaštitu BiH, Generalnog sekretarijata Vijeća ministara BiH, kabineta i službi, Ministarstva vanjske trgovine i ekonomskih odnosa BiH, Ministarstva civilnih poslova BiH, Ministarstva pravde BiH, Ministarstva komunikacija i prometa BiH, Službe za poslove sa strancima, Ustavnog suda BiH, Uprave za indirektno oporezivanje BiH, Uprave BiH za zaštitu zdravlja bilja, Ureda za razmatranje žalbi, Ureda za veterinarstvo BiH**

U raspravi o ovoj tački dnevnog reda učestvovali su: Dušanka Majkić, Adem Ibrahimpašić, Božo Rajić i Drago Ljubičić.

Dom naroda jednoglasno je usvojio Izvještaj Ureda za reviziju o obavljenoj reviziji navedenih institucija sa sljedećim zaključcima:

1. Dom naroda Parlamentarne skupštine BiH skreće pažnju Vijeću ministara BiH da je dužno da preduzme sve aktivnosti kako bi se uspostavili efikasni mehanizmi interne kontrole u institucijama Bosne i Hercegovine;
2. Dom naroda Parlamentarne skupštine BiH skreće pažnju Ministarstvu finansija i trezora BiH da je dužno da prati i u zakonskim rokovima informira Parlamentarnu skupštinu BiH o donesenim odlukama za restrukturiranje rashoda u okviru ukupnog iznosa odobrenog u budžetu za svakog budžetskog korisnika;
3. Dom naroda Parlamentarne skupštine BiH skreće pažnju Ministarstvu finansija i trezora BiH da je dužno da prati izvršenje budžeta institucija Bosne i Hercegovine, posebno onih kod kojih izvršenje budžeta ne prati dinamički plan, te da o uočenim nepravilnostima u zakonskim rokovima informira Parlamentarnu skupštinu BiH.

**Ad. 23. Izvještaj Ureda za reviziju institucija Bosne i Hercegovine o izvršenoj reviziji BHRT-a za 2005. i 2006. godinu**

U raspravi o ovoj tački dnevnog reda učestvovali su: Dušanka Majkić, Ilija Filipović, Alma Čolo, Božo Rajić, Drago Ljubičić i Adem Ibrahimpašić.

Dom naroda jednoglasno je usvojio Izvještaj Ureda za reviziju institucija BiH o obavljenoj reviziji BHRT-a za 2005. i 2006. godinu sa sljedećim zaključcima:

- 1) Dom naroda smatra da je negativno mišljenje Ureda za reviziju institucija Bosne i Hercegovine dijelom posljedica neprimjenjivanja zakona, dijelom ponašanja Upravnog odbora, a dijelom ponašanja menadžmenta.
- 2) Dom naroda zahtijeva od Javnog radiotelevizijskog servisa BiH da odmah pristupi otklanjanju nedostataka po revizorskom izvještaju za 2005. i 2006. godinu u dijelu koji se odnosi na:
  - tačku 4.1. – unapređenje internih pravila i procedura, organiziranja poslovanja na efikasniji i racionalniji način;
  - tačku 4.2. - unapređenje procesa finansijskog planiranja;
  - tačku 4.3.2. - poboljšanje procesa naplate RTV takse;
  - tačku 4.3.3. - preispitivanje postojeće marketinške strategije uz jasno definiranje strategije marketinškog nastupa;
  - tačku 4.3.4. - povećanje transparentnosti kod javnog oglašavanja i iznajmljivanja slobodnog poslovnog prostora;
  - tačku 4.3.5. – donošenje odgovarajućih računovodstvenih politika;
  - tačku 4.4.1. – uređenje obračuna i isplata plaća, stimulacija i nagrada, privremeni i povremeni poslovi, naknade po osnovu autorskih honorara;
  - tačku 4.4.2. – pravdanje zaostalih akontacija za službeni put i zatvaranje potraživanja po tom osnovu;
  - tačku 4.4.3. – poštovanje pravila o troškovima fiksnih telefona;
  - tačku 4.4.4. – umanjenje rashoda komunalnih usluga;
  - tačku 4.4.5. – reguliranje korištenja sredstava reprezentacije;
  - tačku 4.4.6. – povećanje efikasnosti sistema prijema i evidentiranja ulaznih računa;
  - tačku 4.5. – kvalitetniji popis potraživanja, kontinuirano usaglašavanje salda kupaca;
  - tačku 4.6.1. – kontinuirano usaglašavanje salda dobavljačima;
  - tačku 4.7. – izgradnja politike čistih računa;
  - tačku 4.8. – unapređenje procedura javnih nabavki;
  - tačku 4.9. – omogućavanje istinitog i objektivnog prikazivanja imovine preduzeća, okončanje aktivnosti na rješavanju imovinsko-radnih odnosa;
  - tačku 4.10. – reguliranje pitanja zaliha;
  - tačku 4.11. – unapređenje godišnjih popisa sredstava i obaveza;
  - tačku 4.12.1. – uvođenje sistema internih kontrola po "Coso modelu";
  - tačku 4.12.2. – uspostavljanje funkcije interne revizije.
- 3) Dom naroda Parlamentarne skupštine BiH traži od Javnog radiotelevizijskog servisa BiH da u roku od 30 dana od dana prijema ovog zaključka dostavi Komisiji za finansije i budžet Doma naroda plan za otklanjanje nedostaka iz revizorskog izvještaja za 2005. i 2006. godinu.
- 4) Dom naroda Parlamentarne skupštine BiH zahtijeva od Javnog radiotelevizijskog servisa BiH da tromjesečno izvještava Komisiju za finansije i budžet Doma naroda o dinamici otklanjanja nedostataka po revizorskom izvještaju za 2005. i 2006. godinu.
- 5) Dom naroda Parlamentarne skupštine BiH smatra da Izvještaj o reviziji Javnog radiotelevizijskog servisa BiH (BHRT) za 2005. i 2006. godinu treba uputiti Tužilaštvu BiH.

#### **Ad. 24. Izvještaj o reviziji Izvještaja o izvršenju Budžeta institucija Bosne i Hercegovine za 2006. godinu**

Rasprava o ovoj tački dnevnog reda nije vođena.

Dom naroda jednoglasno je usvojio Izvještaj o reviziji Izvještaja o izvršenju Budžeta institucija Bosne i Hercegovine za 2006. godinu sa sljedećim zaključcima:

1. Nalaže se Ministarstvu finansija i trezora BiH da postupi po preporuci i mišljenju koji su navedeni u tač. 2, 3.1, 3.2, 3.3, 3.4, 3.5, 3.7. i 3.8. revizorskog izvještaja za 2006. godinu.
2. Dom naroda Parlamentarne skupštine BiH nalaže Ministarstvu finansija i trezora BiH da u roku od 30 dana od dana prijema ovog zaključka obavijesti Dom naroda i Ured za reviziju institucija BiH o tome šta je urađeno i šta se planira uraditi na otklanjanju nedostataka navedenih u revizorskom izvještaju za 2006. godinu.

#### **Ad. 25. Godišnji izvještaj za 2006. godinu Institucije ombudsmena za ljudska prava BiH**

U raspravi o ovoj tački dnevnog reda učestvovala je delegat Dušanka Majkić.

Dom naroda je, sa 12 glasova "za" i jednim "suzdržanim" glasom, usvojio je Godišnji izvještaj za 2006. godinu Institucije ombudsmena za ljudska prava BiH sa sljedećim zaključkom:

„Daje se podrška Instituciji ombudsmena za ljudska prava BiH da u 2007. godini realizira sve prijedloge koje je preporučila u svom godišnjem izvještaju za 2006. godinu, s posebnim akcentom na dužinu sudskih postupaka pred sudovima u BiH, sprečavanje kršenja prava iz radnog odnosa, zaštiti socijalnih prava itd.“

#### **Ad. 26. Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period od 1.3.2007. do 31.8.2007.**

Rasprava o ovoj tački dnevnog reda nije vođena.

Dom naroda jednoglasno je usvojio Izvještaj o učešću pripadnika Oružanih snaga BiH, policijskih i državnih službenika BiH u operacijama podrške miru za period od 1.3. 2007. do 31.8. 2007. godine, sa sljedećim zaključcima:

1. Konstatirano je da je Izvještaj ponovo dostavljen sa znatnim kašnjenjem, te je izraženo nezadovoljstvo nepoštivanjem rokova izvještavanja od nadležnih institucija, što treba promijeniti u narednom periodu;
2. Od nadležnih ministarstava i predlagača izvještaja u narednom periodu zahtijeva se da izvještaji sadrže i relevantne informacije vezane za svakodnevne uslove rada i života pripadnika mirovnih misija u inozemstvu.

#### **Ad. 27. Imenovanje člana Upravnog odbora Javnog RTV servisa BiH iz bošnjačkog naroda**

Rasprava o ovoj tački dnevnog reda nije vođena.

Dom naroda je, sa 12 glasova "za" i jednim "suzdržanim" glasom, imenovao Ahmeda Žilića za člana Upravnog odbora Javnog RTV servisa BiH iz bošnjačkog naroda.

**Ad. 28. Informacija o neovlaštenoj proizvodnji i stavljanju u promet opojnih droga u Bosni i Hercegovini u periodu 2005.-2006. godina, s tendencijama i za prvih šest mjeseci 2007. godine**

U raspravi o ovoj tački dnevnog reda učestvovali su: Dušanka Majkić, Ivo Miro Jović i Slobodan Šaraba.

Dom naroda jednoglasno je primio k znanju Informaciju o neovlaštenoj proizvodnji i stavljanju u promet opojnih droga u Bosni i Hercegovini u periodu 2005.-2006.godina, s tendencijama i za prvih šest mjeseci 2007. godine, i donio sljedeće zaključke:

1. Traži se od Vijeća ministara BiH da u što kraćem roku, a najkasnije u roku od šest mjeseci, izradi strategiju i akcioni plan za borbu protiv zloupotrebe opojnih droga. Jedan dio strategije treba da bude oblast vezana za prevenciju i edukaciju mladih, uz promoviranje zdravog načina života, s posebnim naglaskom na mlade u osnovnim i srednjim školama.
2. Sugerira se nadležnim institucijama da pooštre kaznenu politiku u vezi s krivičnim djelima proizvodnje i stavljanja u promet opojnih droga, te se u tom smislu od Vijeća ministara BiH traži da predloži eventualne izmjene postojeće zakonske regulative.
3. Svi činioci vlasti u BiH koji imaju određene nadležnosti u oblasti suzbijanja zloupotrebe droga, počev od Vijeća ministara BiH, Ministarstva sigurnosti BiH, entitetskih i kantonalnih ministarstava unutrašnjih poslova i obrazovanja, nevladinih organizacija te medija u BiH, treba da preduzmu sve potrebne aktivnosti na blagovremenoj edukaciji najširih slojeva stanovništva o zloupotrebama opojnih droga i njihovim posljedicama.
4. Sugerira se Vijeću ministara BiH, kao i nadležnim institucijama na svim nivoima vlasti u BiH da osiguraju neophodna finansijska sredstva s ciljem realizacije mjera iz Informacije o neovlaštenoj proizvodnji i stavljanju u promet opojnih droga u Bosni i Hercegovini u periodu 2005. i 2006.godina, s tendencijama i za prvih šest mjeseci 2007. godine, te mjera koje budu utvrđene strategijom i akcionim planom."

**Ad. 29. Informacija o izdatim dozvolama za promet oružja, vojne opreme i proizvoda dvojne namjene u 2006. godini**

Rasprava o ovoj tački dnevnog reda nije vođena.

Dom naroda jednoglasno je primio k znanju Informaciju o izdatim dozvolama za promet oružja, vojne opreme i proizvoda dvojne namjene u 2006. godini.

**Ad. 30. Prijedlog odluke o imenovanju članova interparlamentarnih grupa prijateljstva**

U raspravi o ovoj tački dnevnog reda učestvovali su: Ivo Miro Jović, Alma Čolo, Hazim Rančić i Ilija Filipović

Dom naroda jednoglasno je imenovao sljedeće članove interparlamentarnih grupa prijateljstva:

**1. GRUPA ZA SUSJEDNE ZEMLJE:** Hrvatska, Slovenija, Italija, Malta, Srbija, Crna Gora, Grčka, Kipar, Makedonija, Albanija, Mađarska i Austrija

REDNI BROJ	IME I PREZIME	ENTITESKA PRIPADNOST	NACIONALNA PRIPADNOST	STRANKA	SPOL
1.	Adem Ibrahimpašić	FBiH	B	SDP	M
2.	Zoran Koprivica	RS	S	SNSD	M
3.	Ilija Filipović	FBiH	H	HDZ	M
4.	Dušanka Majkić	RS	S	SNSD	Ž

**2. GRUPA ZA ZAPADNU EVROPU:** Njemačka, Švicarska, Holandija, Belgija, Luksemburg, Lihtenštajn, Španija, Norveška, Švedska, Danska, Finska, Island, Francuska, Velika Britanija, Irska i Portugal

REDNI BROJ	IME I PREZIME	ENTITESKA PRIPADNOST	NACIONALNA PRIPADNOST	STRANKA	SPOL
1.	Hazim Rančić	FBiH	B	SDA	M
2.	Sulejman Tihić	FBiH	B	SDA	M
3.	Dušanka Majkić	RS	S	SNSD	Ž
4.	Božo Rajić	FBiH	H	HDZ 1990	M

**3. GRUPA ZA CENTRALNU I ISTOČNU EVROPU:** Ruska Federacija, Ukrajina, Bjelorusija, Litvanija, Latvija, Estonija, Uzbekistan, Armenija, Tadžikistan, Turkmenistan, Kirgistan, Kazahstan, Poljska, Češka, Slovačka, Turska, Bugarska, Moldavija, Rumunija, Gruzija i Azerbejdžan

REDNI BROJ	IME I PREZIME	ENTITESKA PRIPADNOST	NACIONALNA PRIPADNOST	STRANKA	SPOL
1.	Sulejman Tihić	FBiH	B	SDA	M
2.	Rudo Vidović	FBiH	H	HDZ 1990	M
3.	Branko Zrno	FBiH	H	HDZ	M
4.	Slobodan Šaraba	RS	S	SDS	M

**4. GRUPA ZA AZIJU:** Kina, Indija, Indonezija, Iran, Bangladeš, Filipini, Sjeverna Koreja, Južna Koreja, Tajland, Bruneji, Šri Lanka, Laos, Maldivi, Mongolija, Mijanmar, Singapur, Nepal, Vijetnam, Pakistan i Malezija

REDNI BROJ	IME I PREZIME	ENTITESKA PRIPADNOST	NACIONALNA PRIPADNOST	STRANKA	SPOL
1.	Alma Čolo	FBiH	B	SDA	Ž
2.	Hazim Rančić	FBiH	B	SDA	M
3.	Rudo Vidović	FBiH	H	HDZ 1990	M
4.	Slobodan Šaraba	RS	S	SDS	M

**5. GRUPA ZA AFRIKU I ZEMLJE BLISKOG ISTOKA:** Egipat, Južnoafrička Republika, Libija i ostale afričke zemlje, Saudijska Arabija, Izrael, Jordan, Liban, Irak, Sirija, Palestina, Kuvajt, Katar, Ujedinjeni Arapski Emirati, Oman, Bahrein i Jemen

REDNI BROJ	IME I PREZIME	ENTITESKA PRIPADNOST	NACIONALNA PRIPADNOST	STRANKA	SPOL
1.	Alma Čolo	FBiH	B	SDA	Ž
2.	Hilmo Neimarlija	FBiH	B	SBIH	M
3.	Ilija Filipović	FBiH	H	HDZ	M
4.	Mladen Ivanić	RS	S	PDP	M

**6. GRUPA ZA SJEVERNU I JUŽNU AMERIKU, AUSTRALIJU, OKEANIJU I JAPAN:** Australija, Novi Zeland, Japan, Okeanija, zemlje Južne Amerike, Kuba, Kanada i Meksiko

REDNI BROJ	IME I PREZIME	ENTITESKA PRIPADNOST	NACIONALNA PRIPADNOST	STRANKA	SPOL
1.	Hilmo Neimarlija	FBiH	B	SBIH	M
2.	Ivo Miro Jović	FBiH	H	HDZ	M
3.	Božo Rajić	FBiH	H	HDZ 1990	M
4.	Drago Ljubičić	RS	S	SNSD	M

**Ad. 31. Prijedlog rezolucije o borbi protiv nasilja nad ženama u porodici – predlagač: delegat Dušanka Majkić**

U raspravi o ovoj tački dnevnog reda učestvovala je delegat Dušanka Majkić.

Dom naroda jednoglasno je usvojio Rezoluciju o borbi protiv nasilja nad ženama u porodici čiji je predlagač delegat Dušanka Majkić.

**Ad. 32. Prijedlog odluke o imenovanju članova Vijeća nacionalnih manjina BiH – predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku**

Rasprava o ovoj tački dnevnog reda nije vođena.

Dom naroda jednoglasno je usvojio Odluku o imenovanju članova Vijeća nacionalnih manjina BiH.

**Ad. 33. Prijedlog zaključka o osnivanju Privremene zajedničke komisije za utvrđivanje devizne štednje građana BiH položene na račune domicilnih banaka i podružnica u Bosni i Hercegovini – predlagač: kolegij oba doma PSBiH**

U raspravi o ovoj tački dnevnog reda učestvovala je delegat Dušanka Majkić.

Dom naroda jednoglasno nije usvojio Prijedlog zaključka o osnivanju Privremene zajedničke komisije za utvrđivanje devizne štednje građana BiH položene na račune domicilnih banaka i filijala u Bosni i Hercegovini, predlagača kolegija oba doma PSBiH.

Zaključeno je da se osnuje Komisija za usaglašavanje teksta zaključka. U Komisiju su iz Doma naroda imenovani: Dušanka Majkić, Božo Rajić i Hazim Rančić.

**Ad. 34. Prijedlog zaključka o osnivanju Ad hoc komisije za imenovanje tri ombudsmena u Instituciju ombudsmena za ljudska prava BiH – predlagač: Predstavnički dom**

U raspravi o ovoj tački dnevnog reda učestvovala je delegat Dušanka Majkić.

Dom naroda jednoglasno je imenovao Dušanku Majkić, Hazima Rančića i Branka Zrnu u Komisiju za usaglašavanje teksta zaključaka o osnivanju Ad hoc komisije za imenovanje tri ombudsmena u Instituciju ombudsmena za ljudska prava BiH koje je donio Predstavnički dom.

**Ad. 35.- 57. Davanje saglasnosti za ratifikaciju sporazuma, konvencija i ugovora**

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju sporazuma, konvencija i ugovora iz ovih tačaka dnevnog reda.

Sjednica je završena u 17,45 sati.

Sastavni dio ovog zapisnika je neautorizirani transkript 11. sjednice Doma naroda.

**SEKRETAR  
DOMA NARODA**  
Marin Vukoja

**PRVI ZAMJENIK  
PREDSJEDAVAJUĆEG  
DOMA NARODA**  
dr. Mladen Ivanić